



UNIVERSITÄTS-  
BIBLIOTHEK  
PADERBORN

**SANCTI|| IOANNIS|| DAMASCENI OPERA,||**

**Johannes <Damascenus>**

**Parisiis, 1577**

De ignavis ac segnibus, & contemptoribus. cap. lxxxix.

---

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)

**A** te sibi vendicat: contra præsens inedia testimonium ieiunio dicit. Dubium te, tanquam mancipium, ebrietas reddit. Statim enim, primus ieiuniorum dies expungendus tibi erit: quod videlicet ebrietatis reliquæ adhuc in te hereant. Si ebrius ad ieiunandum accedis, quidnam hinc lucriferes? Nam cum ebrietas aditum tibi ad regnum præcludat, quorsum iam vtile tibi fuerit ieiunare?

His, qui in vino atque intemperantia vitam degunt, dies in noctis caliginem immutatur: non quod sol extinguatur, sed quod eorum mens ebrietate obscuretur.

An nescis quod qui Dei seruis per temulentiam iniuriam infert, aduersus ipsum Christum peccat, ac seipsum sempiternæ poenæ addicit?

Qui temulentum admonere tentat, quid tandem ipsi utilitatis afferet?

**B** Si diuino Apostolo obtemperas, disertis verbis dicenti, Ebriosi regnum Dei non possi-  
debunt, execrandam hanc ebrietatem fuge.

De ignauis ac segnibus, & contemptoribus. CAP. LXXXIX.



**V**AD ad formicam, o piger, & considera vias eius, & discite Pro. 6.  
sapientiam: quæ cum non habeat ducem, nec præceptorem,  
nec principem, parat in æstate cibum sibi, & congregat in  
messe quod comedat. Vade ad apem, & discite quia operaria  
est, quamque egregiam operationem faciat: cuius labores reges  
& priuati ad sanitatem adhibent. Desiderabilis autem est  
omnibus & gloriosa, quamuis alioqui viribus imbecillis. Vt

quequod piger dormies? quando confurges è somno tuo? Paululum dormies, paululum dormitabis, paululum conferes manus ut dormias: & veniet tibi quasi viator egestas, & pauperies quasi vir armatus. Anima ignaui esuriet: ac pigri opibus indigebunt. Piger probris affectus non erubescit: eodem modo qui mutuatur frumentum in messe. Dicit piger, Leo est in via, & latrones in itineribus.

Pannosis ac laceris vestibus induetur quisquis piger est. Sicut ostium vertitur in cardine suo, ita piger in lectulo suo. Abscondit piger manum suam sub ascella, nec ad os suum applicat eam. Via contemptoris in perditione.

**D** In pigritiis humiliabitur contignatio: & in desidia manuum perstillabit do-

Mus. Noli esse celer in lingua, & segnis ac remissus in operibus tuis.

Multam malitiam docuit otiositas.

Accedens autem, & qui vnum talentum acceperat, ait: Domine, scio quia homo durus es: metis ubi non seminasti, & congregas ubi non sparsisti: & timens abij, & abscondi talentum tuum in terra: ecce habes quod tuum est. Respondens autem dominus eius, dixit ei: Serue male & piger, sciebas quia meto ubi non semino, & congrego ubi non sparsi: oportuit ergo te committere pecuniam meam numulariis, & veniens ego recepissem utique quod meum est cum vsura. Tollite itaque ab eo talentum, & date ei qui habet decem talenta. Omni enim habenti dabitur, & abundabit: ei autem qui non habet, & quod videtur habere, auferetur ab eo. Et inutilem seruum eijcite in tenebras exteriores. Illic erit fletus, & stridor dentium.

Nam & cum essemus apud vos, hoc denunciabamus vobis: quoniam si quis non vult operari, nec manducet. Audiuimus enim quosdam ambulantes inquiete, nihil operantes, sed curiose agentes. Iis autem qui huiusmodi sunt, denunciabimus, & obsecramus in Domino Iesu Christo, ut cum silentio operantes, suum panem manducent.

Otium sceleris origo est.

Peculiare est hoc animæ ignaue ac socordis, corpore vigilante in somnia cernere.

Quisnam sementis tempore domi desidens vel dormiens, orta messe sinum suum manibus implent? Quis vitem non consistam vindemiavit? Horum sunt fructus, quorum

D. IOANN. DAMASCENI

labores. Horum sunt honores & corona, qui labores pertulerunt, ac victoriam obtinuerunt. Ecquis eum corona donauerit, qui cum aduersario ne in arenam quidem descenderit? *2. Tim. 2.* praesertim cum iuxta Apostolum, non satis sit certare, nisi etiam legitime certetur. Quisnam ille est certaminis arbiter, qui iisdem praemiis victorem, & eum, qui ne certamen quidem illo modo inijt, afficiat? Quis copiarum militarium praefectus in eandem unquam cum ijs, qui vicerunt, praeda partem eos vocauit, qui ne pugna quidem interfuerunt? Bonum boni nomen amittit, cum bene non fit.

De odio & inimicitia & disidijs, atque iis qui praelium committunt. CAP. XC.

*Es. 67. 54* **D**ISSIPA Gentes quae bella volunt. Viri sanguinum & dolo-  
*Pro. 2.* si non dimidiabunt dies suos.  
 Qui relinquunt iter rectum, & ambulant per vias tenebro-  
*15.* sas: qui latantur cum malefecerint, & exultant in rebus pessimis. Quod ingreditur contumelia, illuc etiam infamia. Im-  
 probus malefacit, cum ius commiscet. Vir iracundus pro-  
 uocat rixas. Vir peruersus transmittit mala, & separat amicos. Altercatio-  
 nes excitat omnis malus: Dominus autem angelum immisericordem emittet ipsi.  
*27.* Qui lubenter peccat, gaudet pugnis. Ne cito ad pugnam irruas: ne ad extre-  
 mum te poeniteat. Ferrum ferro acuitur: & homo exacuit faciem amici sui.  
*Es. 29.* Qui malitiam inflammat, ab ea perdetur.  
 Disperdentur qui inique agunt ob malitiam: & qui faciunt peccare homines  
 in sermone.  
*Hier. 4.* Filij insipientes sunt, & vacordes: sapientes vt faciant mala, bene autem face-  
 re nescierunt.  
*Ecli. 28.* Vir peccator turbabit amicos, & in medio pacem habentium immittet inimi-  
*22.* citiam. Ante ignem camini vapor & fumus inaltatur: sic & ante sanguine ma-  
 ledicta & contumelia. Abstine a pugna: & imminues peccatum. Conten-  
 tio festinata excitat ignem: & pugna festinata excitat sanguinem.  
*Mat. 12.* Omne regnum in se diuisum desolabitur, & omnis ciuitas vel domus diuisa co-  
*24.* tra se non stabit. Quia abundabit iniquitas, refrigescet charitas multorum.  
*Gal. 5.* Qui vos conturbat, portabit iudicium, quicumque ille est.  
 Vbi zelus est, & contentio, illic seditio & omnis res mala.  
*Basl.* Defecit charitas, diuinorum mandatorum radix.  
 In malis certaminibus miserior est is qui victoriam obtinet: quandoquidem maiorem  
 peccati partem habens, discedit.  
*Na. 7.* Praestat recte vinci, quam periculose ac nefarie vincere.  
*In Tetra. 7.* Sit finis irae: nesciat finem fauor.

De poenitentia Dei: & in quibus rebus Creator poenitentia affectus fuerit. CAP. XCI.

*Gen. 6.* **V**IDENS Deus quod multa malitia hominum esset in terra, & cun-  
 cta cogitatio cordis intenta esset ad malum omni tempore, poenituit  
 eum quod hominem fecisset in terra. Et dixit: Delebo hominem, quem  
 creauit, a facie terrae, ab homine usque ad animantia. Poenitet enim  
 me fecisse eos.  
*1. Reg. 15.* Factum est verbum Domini ad Samuelem, dicens: Poenitet me quod consti-  
 tuerim Saulem regem: quia dereliquit me, & verba mea opere non impleuit.  
 Contri-